



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

XXIV. Augusti.

[urn:nbn:de:hbz:466:1-50916](https://nbn-resolving.org/urn:nbn:de:hbz:466:1-50916)

S. Bartholomæus Apostolus centies noctu, centies interdium orare suetus multa vivens à vivente adhuc Deipara accepit beneficia, sæpius cum eadem conversatus, multa cœlestia mysteria ex ea didicit. Cujus cultum in majori Armenia & India propagavit, pelle positâ cœlum ingressus. *Vita.* Dubita si potes angustam esse cœli portam.

S. Bartholomæe ora pro me, ne cuticulæ meæ nimium blandè fovendæ intentus salutis periculum incurram, sed potiùs castigem corpus meum, & in servitutem redigam, ut cum pellem mors detraxerit, faciliùs cœlum ingrediar. O Sanctissima DEI, & mea, Mater preciosissima! ego N. indignissimus filius tuus ex toto corde omnibusque tam corporis, quàm animæ viribus centies millies, imò infinities te saluto: te omni possibili omnium possibilium & actualium creaturarum affectu amare, tibi usque ad ultimum vitæ spiritum, quantum possibile erit, placere & servire desidero. &c. fol. 190.

Ad quod impetrandum: Videbo ut in aliquo corpori meo malè sit hodie, si aliud non occurrat, pellis vellicatione dolorem ciebo.

Maria omnibus sapientibus & insipientibus copiosissimâ charitate debitoricem se fecit. *S. Bern. ser. 98.*

Quæstio: Quo loco anima Deiparæ corpus receperit in cœlo, an in terra? *v. S. Damasc. ser. de dorm. B. V.*